



Broj: 07-06-20-19506/24
Sarajevo, 02.04.2024. godine

Na osnovu člana 70. Zakona o organizaciji organa uprave u Federaciji BiH („*Službene novine Federacije BiH*“, broj 35/05), člana 124. Zakona o veterinarstvu Federacije BiH („*Službene novine Kantona Federacije BiH*“, broj 46/00) i Odluke Vlade Kantona Sarajevo o usvajanju Programa utroška sredstava prikupljenih od naknada za obavljene veterinarsko zdravstvene preglede i kontrolu, namjenjenih za provođenje mjera zdravstvene zaštite životinja i sigurnosti hrane na području Kantona Sarajevo za 2024. godinu broj: 02-04-10717-46/24 od 14.03.2024. godine, Ministarstvo privrede Kantona Sarajevo objavljuje

JAVNI POZIV

za dodjelu sredstava lovačkim udruženjima iz Budžeta Kantona Sarajevo za 2024. godinu sa pozicije Ministarstva privrede za podmirenje dijela troškova za uzorkovanje i ispitivanje mesa divljih svinja i pojedinih drugih životinja na *Trichinella spiralis* i afričku svinjsku kugu

1. Predmet Javnog poziva

Dodjela finansijskih sredstava lovačkim udruženjima iz Budžeta Kantona Sarajevo za 2024. godinu sa pozicije Ministarstva privrede radi podmirenja dijela troškova za uzorkovanje i ispitivanje mesa divljih svinja i pojedinih drugih životinja na *Trichinella spiralis* i afričku svinjsku kugu za 2024. godinu.

Ukupan iznos sredstava predviđen za dodjelu po ovom javnom pozivu iznosi 30.000,00 KM.

2. Pravo učešća na Javnom pozivu

Pravo učešća po ovom javnom pozivu imaju uredno registrovana lovačka udruženja koja imaju sjedište na području Kantona Sarajevo.

3. Potrebna dokumentacija:

Lovačka udruženja iz tačke 2. ovog javnog poziva dužna su dostaviti uz prijavu slijedeću dokumentaciju:

- Izvod iz Registra udruženja (ne stariji više od 3 mjeseca od dana podnošenja prijave) i/ili rješenje nadležnog ministarstva o upisu u registar udruženja iz oblasti lovstva;

- b) Uvjerenje nadležnog suda da udruženju u krivičnom postupku nije izrečena pravosnažna presuda kojom je osuđeno za krivično djelo učešća u kriminalnoj organizaciji, za korupciju, prevaru ili pranje novca ne starije više od 3 mjeseca od dana podnošenja prijave;
- c) Uvjerenje o urednom izmirenju direktnih poreza, doprinosa za penziono i invalidsko osiguranje i doprinosa za zdravstveno osiguranje izdato od Porezne uprave Federacije BiH, ne starije više od 3 mjeseca od dana podnošenja prijave;
- d) Uvjerenje/potvrdu o urednom izmirenju indirektnih poreza izdato od Uprave za indirektno oporezivanje ne starije više od 3 mjeseca od dana podnošenja prijave (ukoliko je u sistemu PDV-a u skladu sa Zakonom o porezu na dodanu vrijednost). Ako nije u sistemu PDV-a, onda potvrdu/uvjerenje izdato od Uprave za indirektno oporezivanje da nije u sistemu PDV-a;
- e) Ugovor o stručnoj saradnji sa nadležnom veterinarskom organizacijom;
- f) Ugovor sa referentnim laboratorijem (vezano za ispitivanje mesa divljih svinja i pojedinih drugih životinja na *Trichinella spiralis* i afričku svinjsku kugu).

Dokumenti se prilažu u originalu ili ovjerenoj kopiji.

4. Rok za podnošenje prijava i način podnošenja prijava:

Rok za dostavu prijava sa potrebnom dokumentacijom, po ovom javnom pozivu je 15 dana od dana objavljivanja Javnog poziva u dnevnim novinama i na web stranici Ministarstva privrede Kantona Sarajevo <http://mp.ks.gov.ba>

Prijave na Javni poziv sa potrebnom dokumentacijom podnose se isključivo na centralni protokol Kantona Sarajevo, u zatvorenoj kovrti, sa naznakom:

Kanton Sarajevo
Ministarstvo privrede
Reisa Džemaludina Čauševića 1
71 000 Sarajevo

“Prijava po Javnom pozivu za dodjelu sredstava lovačkim udruženjima za podmirenje dijela troškova za uzorkovanje i ispitivanje mesa divljih svinja i pojedinih drugih životinja na *Trichinella spiralis* i afričku svinjsku kugu”
- NE OTVARATI -

Napomena: Kontakt telefon za dodatne informacije je 033 562 282 ili neposredno u prostorijama Ministarstva privrede, Reisa Džemaludina Čauševića 1, Sarajevo, III sprat, soba 323.



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-122, Fax: + 387 (0) 33 562-226
 Web: <http://mp.ks.gov.ba>, E-mail: mp@mp.ks.gov.ba